

中國方志叢書·華北地方·第五一三號


據

清乾隆二十一年刊本
清乾隆二十一年刊本
儲元升纂修

影印

河北省

東明縣志



成文出版社有限公司印行



10107342

中國方志叢書·華北地方·第五一三號


據

清乾隆二十一年刊本
清儲元升纂修

影印

河北省

東明縣志



4/13/05
成文出版社有限公司印行



10107343

中國方志叢書·華北地方·第五一三號


據

清乾隆二十一年刊本
清儲元升纂修

影印

河北省

東明縣志



成文出版社有限公司印行

413/05



中華民國六十五年 月臺一版

東明縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續修東明縣志序

東明古天竺之屬邑也宋以爲大名路天竺縣河朔巨鎮
燕趙特爲屏蔽宋梁沙陀之爭大名爲宋人捍禦契丹
之要疆故其風俗獷悍尙勇於鬪爭而東明東連曹濮陶單
南逼祥符南儀地不一省省不一縣又與開州長滑時合時
分最易竊奸匿匪而黃河由魏門砥柱下趨堯豫之平壤東
明實當其衝一有潰決則村堡悉爲巨浸城郭亦傾圯可虞
予以菲才來蒞茲土首詢河患無高山大陵爲之關格洪濤
出沒濟水濮河交會之以助其衝激之勢而漢時之金堤汴
渠昔已破壞今皆有名無實至其風俗雖樸稚慕善之舊猶

有存者而尙果敢好爭訟餘風未殄予亟求所以整齊化導之而未得其術因將高楊諸公所修之縣誌觀之見其首誌堤防自護城堤而外若孟華杜勝諸堤堰東西綿亘而長堤至數百里如岡如陵交相密護而河不爲患蓋昔人築堤障河之功其勤至矣然後知河患可平而後人之增修補築爲不可緩也再考其人物則昔賢如閔子騫公西華皆邑人也後若吳祐之仁心劉昆之異政卞壺之父子殉節劉晏之轉運鹽鐵張齊賢之平章政事彪炳史策亦皆邑人也至若濟陽宮之篤生光武李道姑之誕育仁宗張留侯辟穀之地戶牖侯分肉之鄉以及漆園吏之高傲溫子昇之文章莫不膾

炙人口蓋高賢傑士世不乏人以是知地靈氣異而風俗之
大可轉也然非記載詳明後之人孰從而知之誌之所繫詎
不重耶但舊誌版已漫漶又多殘缺失次蓋自高公創其始
常李張諸公繼其後楊公集其全訖今八十餘年未有續修
成帙者予竊不自揆欲繼高楊諸公之志將取其舊而新之
詢有雍正七年未刊舊稿加以近今十餘年來未登於誌者
依類而增入之遂延貢生董榮官吳鵬程李欽郡庠生范元
福協同纂輯予略加斟定未閱兩月而告竣不務博綜矜采
藻而記注之克明彰燁無失實差亦足以信今而傳後矣因
乏費未付梓武邑司訓張復振者以寒素友教後學獨捐歷

年節蓄館俸資剗剗而是書乃獲觀成績修例有并言因述
諸同人纂修之勤捐輸之善而并及孜孜求治之隱衷庶
幾不墮前人之成規云爾皆

乾隆丙子菊月上浣

賜進士知東明縣事陽羨儲元升題

東明縣志舊序

自封建廢而郡縣立列國之史遂亡間有載筆之興皆不出於專職通論故無以裨化理於是郡縣之志作焉是志者史屬也夫志之體必天文地理政事人物世代風俗常變之迹沿革之由備書而詳紀之大抵如左氏史遷之法故曰志東明建置出於宋元兵燹之前不及悉而自我朝邱民富庶之日建之而又遷且五十年矣不知無事之可書也而或者秉筆之無人未嘗有志焉如此脫有采風觀政之使遊于其境緣以樹之風聲則進退抑揚無所據矣尹茲土者教養之方寬猛之宜化民成俗之務無所因矣不亦大可慮哉祿無似自河南來筮仕於此悼

茲闕典切欲壽諸梓而未遑適承督學御史通山朱公大名守石州高公移文到縣委以纂志之命卽忻然不自揣其力之弗能也遂約諸生徒立凡例定程規門分類聚日夕采輯以教諭喬文岱總其事兩閱月而志始成凡六卷外附錄一卷首之以天文而次之以地理又次之以人物而又次之以公宇祠祀而又次之以古蹟田賦文章粲然畢具再四訂正無少差謬而志之體似近得之矣夫天道紀而仰焉有所觀矣地道紀而俯焉有所察矣人物紀而三才之義彰矣紀乎往者垂諸其後紀乎名者可以求其實可以知灾祥可以示勸戒可以廣見聞可以見政治之得失可以驗風俗之盛衰可以傳之永久而無敝也

蓋不獨於文字之間而采風觀政者必緣此有以得其情將來
尹茲土者必卽此而推廣其敬天勤民之道百世信之以爲龜
鑑可知也夫不作於前曷以傳於後不循其名曷以考其實此
當道君子所以深慮而務循乎斯典也豫不佞謹序諸首云
嘉靖十五年丙申七月望日知東明縣事陳留一亭高豫子儀
撰

又

國家奠鼎燕京天雄爲右輔重地明介在澶匡控帶黃流襟會
梁魯所稱燕京之戶牖非乎明故無志有之自嘉靖丙申令高
君子儀始大都裁取簡朴語取包稽不無遺采然而創獲自野

其功鉅矣丙申迄今閱六十年所其間戶口之登耗賦役之煩
簡名賢循吏之行業遞異矧元精鬱淳人文濬啟冠帶履舄之
盛甲於河朔而編續未次寥寥無聞非缺典與余不佞辛丑量
移自漳檢閱舊志質以耳目所睹記不仍佚之落嘆蓋責將在予
矣適今觀察孫公時守天雄與前觀察周公僉移檄修纂余數
請之邑獻大夫士乃邑獻大夫士則共推轂孝廉張君詣元楊
君林貞董其事又延學博曹君暨邑庠袁生輩相與博稽載籍
廣詢父老下暨稗官巷說靡不摛拾二君挈綱釐目畧舊所增
蓋不啻倍焉編竣余不佞受而讀之恍涉元圃汎汎錯落弗揣
愚瞽稍加譏次庶幾哉無遺采無佚事矣已復請折衷于廷尉

劉心田先生先生夙擅三長著聲珥筆頃頤神漆園世味澹如也于是揖二君相與商推而衷括之詳而且整質參于文讀之則又恍登文石之陞金科玉條風驅電掃彬彬平典刑之總會矣嗟乎從昔史家自宗春秋而外輒侈稱董史左國遷固今乘簡略之後殫力搜括體裁則原本遷固摘詞則摭菁左國而是非得失凜乎董史之執簡從事要以聳善抑惡戒勸其心無失吾春秋家法夫志以述事事以出政政以辨民故考疆域建置則知河患旣徙形勝具存居今懷古興廢振墜當有安不忘危之思矣考田賦典禮則知反裘竭澤軸杆是虞儀容粉澤黍稷非馨當有義事緩急之辨矣考官師選舉人物則知懿行卓軌

典型在望矜名飭節不間幽遐高山仰止葑菲必采有餘感矣
考藝文祥異雜紀則知揆世證變天人同符多蓄廣見不遺龜
毛經緯上下洞達常性有明徵矣斯志也即名爲畿南春秋齊
晉左國史漢奚不可者予敦請三君時竊有懼焉前志之失在
略今志之得在詳前志之得在質勝今志之失懼文勝志以文
勝卽瑰麗盈幅於大雅奚當余茲懼今知釋矣持此以質之邑
獻大夫士併以質之觀察公庶可無負觀風盛舉矣乎雖然奮
筆千秋潤色鴻業黃流襟帶若增而高深者三君之任也展錯
庶務鑒往揆來緣飭吏治以綱繆隔戶者司土之任也三君之
任已矣司土之任寧有既乎余滋懼矣余滋懼矣將付殺青屬

不佞謬叨司馬曹之命蒼黃弁言用志始末以俟之司土者皆
萬曆 年 月 日知東明縣事蒲城

常澄撰

又

夫志以紀事也事以乘時也時遞轉則事遞新在古爲列國史
在今爲郡邑志矣明志創自子儀高君甲子將週考功常君蒞
茲土集詣元尉白諸君子肆力潤色又十餘年而余不佞濫筭
其間撫今追昔時幾何事又幾何文章風物煥然改觀矣顧高
志則質而未脩常志則脩而未梓究使後之人沿革莫窮風土
莫究賦役莫稽而文獻莫覽也恐四封之內陰巖幽谷閉塞滋

多矣余不佞實用凜凜受事之明年齋沐而請蒲城舊稿於詣元張君尉白楊君時兩君方事南宮未遑也癸丑臨軒召對封之花縣將戒行矣余不佞又長跼而請曰以先生逃稽選覽數年精力終使沉伏於心忍乎且漆園畿輔戶牖冠裳玉帛甲於宇內而究令世代實錄湮滅弗彰於心又忍乎兩君唯唯始編次授余得卒業焉核事摘詞綱舉目張真尚書紀虞唐而春秋紀魯隱也厥後百原李公歸沐居里獻吾陳公資捧過里余復次第請益薪於信今傳後而二公不避勞怨集衆秉公力持直道議論嚴體裁正以視陳留蒲城之書益光大之不僅不靡有兼長矣百里以內上下數千年間顛末了然使明之人覽而曰

若俗美若俗惡若人正若人邪當必踴躍竦息法戒分塗則是志之用意微垂教遠也竊不揣沾沾自喜然又懼焉夫志何由作志占候志疆域志山川俗尚之屬總以生民也志金湯保甲關隘之屬總以衛民也志官師學宮節孝之屬又以化民也民化則白嘉遂而治具昌太史採風貢俗總吉祥善事余不佞蒞明迨五年矣試按籍索之戶口較昔時何如習尚轉移較昔時何如則長吏年來生聚教養概可想見尚敢以知我罪我聽之人言哉刻成余將解印去因叙重修始末弁諸簡端爲低回者久之嗚

萬曆四十年一月 日知東明縣事質谷李遇知譔